

東廣
瓊
州
府
瓊
山
縣
志



大

瓊山縣志卷之二十三

人物志十二 孝義 漢 元 明

漢

初孀者舊志失其鄉貫氏族只云珠崖令前妻女

也年十三繼母連大珠繫臂爲飾令死喪還漢

法納珠入關者死繼母棄之其弟九歲收置鏡

奩中關侯索得珠吏曰誰當坐者女意繼母所

置乃進曰父不幸母已解棄妾惜而置奩中母

不知也妾當坐母爭曰此珠繫妾臂妾不忍棄

何與於女妾當坐皆痛哭哀動路人闔吏感其

義並不忍加罪後訊實乃知九歲男所爲遂

釋之

元

蔡九孃千戶克憲女有姿色解書義多勇畧年十

一喪父擇配越三十不嫁

雞肋集云父亡弟幼不欲以黎土屬之他

人故親統父兵候弟之壯不肯適

元末寇亂統父兵保障鄉里未幾陳子瑚陷乾

寧郡邑九孃固守不下日久力竭泣謝鄉人曰

賊帥新得郡城不守而來為我也我死則禍息

矣乃投入鋪錦巖避焉子瑚怒以草塞巖口縱

火熏之九孃死巖中子瑚詩一笑花前醉似

泥綺筵歡劇不聞雞馬蹄到此空歸去不是花

迷是酒迷為九孃作也

明

陳氏東廂人唐舟之子庸妻家居淡薄陳奉甘旨未嘗缺姑病危晝夜侍側廢寢食焚香祝天剖股和藥以進人無知者姑食之病愈久乃覺人莫不歎其孝

馮氏名銀字汝白東廂人唐舟之孫繼祖妻同邑教諭源女奉姑孝亦嘗剖股療病云

林氏增生陳輔妻年二十寡紡織鞠孤遭海寇許瑞遍焚村落漸迫氏家冒火僱人救出夫棺與家人避賊渡河舟溺又奮命援其妹得俱免人稱天佑守貞課子壽七十八

林氏儒士陳盤妻 通志作陳盤 年二十八寡孝敬翁姑

拮据課子母憐其困苦勸以他適氏持刀刺臂

矢節姑病焚香拜禱願減己壽以益親齡子紹

文遊泮

邱氏貢生崢之女性至孝以父無嗣不肯字人隨

父任廣西思恩縣訓導父歿女為殯殮扶柩而

歸卒於徐聞年三十八有司旌之曰孝女垂芳

吳義姑前所人辛卯舉人李明妻俊之妹明卒吳

年二十四無子歸母家撫孤侄誠如己子教育

成名領正德己卯鄉薦卒誠服喪三年

王氏烈樓用宏女以父無子不忍出嫁矢志守貞

與父相依爲命終養三十餘年父卒哀毀骨立
人勸之嫁不應終以哀毀亡族人憫其孝烈醮
錢置田立碑並父墓祭

瑯山縣志

卷二十三

人卷二十三

三

人物志十三 死節 唐 元 明 國朝

唐

王英符鳳之亡其姓寶祐間鳳以罪徙儋州至海南爲獠賊所殺者王英私之英緒曰一婦人安能事衆男子請推一長者賊以爲信乃請更衣有頃盛服立舟上曰受賊辱不如死遂沉於海

元

蔡氏壘村蔡九孃之妹遵都王和妻至正壬寅賊陳子瑚黨邱田欲犯之不屈自縊死

唐五妹伯壽女至正甲辰陳子瑚寇乾寧郡與從妹俱被執至舟中躡其妹曰我必不免於辱縱

還何顏立於世乎汝小尙可求生也乃給賊曰

妾家破親亡將何之乞解縛當相從賊然之卽

投江死時年十八從妹以幼得歸上俱舊志

韓氏文昌縣石康釗元帥女烈樓王天傳妻幼聰

慧通女戒元季繹騷夫死于寇韓贖以葬命子

翰避寇海北冀延宗祀己以死守後爲寇迫不

辱死賊義之不入其里里人賴存者多厥後子

脫難歸延祀王門不絕如綫韓之力也採訪

明

程氏賈岳妻洛國後海南衛前所鎮撫凱之女洪

武丁丑年二十二歲夫歿自縊事聞旌表解學士

傳曰賈岳妻程氏之女也粗涉書傳有德容年十八嫁爲岳妻岳父羽初爲海南衛鎮撫謫廣西岳涉嶺海省之得疾後歸瓊州方疾亟時程氏許從死而傷不能哭遂自縊生與岳同年氏年二十一歿時洪武丁丑也一子鞠於祖父母中舍人吳若仲平贊曰慷慨殺身易從容就義難人於所當死亦有迫於勢不能不死者若程氏其何迫之有所以爲難也然瓊在海外而民皆知慕其義至指其塚嘆惜之嗚呼亦足以見風化之大行與

畢氏直隸太湖人年十五嫁南昌衛指揮屠經爲側室宣德初經以累謫海南衛千戶病劇訣別畢誓同死經卒既殮乃沐浴更衣辭其姑姑難其請相抱痛泣俟衆防少懈閉戶自縊

耿氏歸金用和爲妻未三月金渡河遇颶訛言溺死耿聞卽自經氣絕而金適歸有名醫徐美救

之甦耿性慧閑談論古今咸有典據金或不知也及金罹禍耿避難役得而昇之耿曰昔王凝之妻爲逆旅主人所持卽斲其臂今吾以目視惡人可乎不如死之爲愈也卽瞑目不食數日役懼昇還其家尋卒

陳氏知陸川縣張子翼妻隨翼任嘉靖甲子翼入省闈值徭賊數千劫庫擄氏爲質云順我則生否則死罵賊咬賊手肉嚼之賊怒刃死越三日顏色不變救兵至賊退陸人爲具棺殮翼卽葬之於陸時年三十兩院旌表立祠春秋致祭後

以子紹初官贈安人

韓氏謝應昇妻居文昌木瀾村年二十被海寇曾一本擄去僭抱男乙常在手俄見母陳氏亦被擄韓乃紿賊曰若放我母與子歸當從女賊信而釋之韓度母子去遠遂投海死數日其兄夢韓執蓋行海濱因至其地求之果得屍於破傘下面色如生乃收葬焉

陶氏海南衛軍許撫謙妻隆慶六年倭陷海口城被執不辱死

陶金孃舜卿女隆慶六年十六賊陷海口城獲女美其色欲污之女嚙賊大罵以死自誓賊多殺人以懼女意強必從竟不辱爲賊所殺

國朝

李氏戍婦也夫王尙策山東德平人犯罪戍瓊康熙五年八月病故氏年三十一預治殮具爲身殉計至十一月十八日自縊而死附祀

吳氏大小英人庠生理燦之女適康熙壬子舉人王賓賓會試卒於京邸吳聞訃痛激投繯

趙氏李捷魁妻年十五歸魁康熙辛酉海黎肆掠趙逃匿山中賊搜山得而脅之不從刀血遍體一賊曰是烈婦也不宜枉殺一賊復至又脅之

趙罵不絕口賊怒以刀刺其喉幾斷越三日有自賊巾逃回者言其事甚悉捷魁乃往山中昇

歸奄奄一息尋卒

屈氏澄邁人夫失姓名居海口所康熙二十年海賊楊二破城逼氏去氏罵賊被斷其手足而死

前府嘉其貞烈爲立木主附江公祠祀之

尹氏海口水師左營守備黃世賢妻康熙二十年海賊楊二圍海口城城中危急氏慮城破被辱先吞藥死前府爲立木主附祀於江公祠

楊氏晉江張元璐側室僑寓瓊郡馳封坊璐亡氏年二十有閩人劄委佐郡者欲脅娶之誓死不許值璐七辰理粧哭拜閉戶自經顏色不變縉紳士人咸往拜奠與璐合墓於新學左附祀

吳氏林發桂妻孀居撫稚子爲海寇所擄恐被汚
密囑同難者曰吾不復得見吾兒矣若等得歸
當爲吾兄告之卽投水死

王氏官隆三人天文女年十四贅林學文明年學
文死慟絕者再乃衰經登林門哭泣拜見翁姑
矢志堅守踰年有匪徒周加令窺氏姿色托媒
結婚氏不允乃強委禽焉聲言擇吉迎娶氏卽
閉門自縊十一月部院王 諭王氏芳齡失偶

誓不再醮因強徒逼脅甘死以明從一之義志
節可風給芳性天成四字製匾以勵風俗乾隆

九年旌祀節孝祠

俱舊志

顏氏徐必奇妻康熙年間爲海寇所掠顏恐被污
婉詞誑誘爲全身計旣而佯汲水卽投江中漁
人救之不死擁至徐家必奇不知妻志疑爲賊
玷顏卽引刀自割其乳而死神色自如觀者無
不駭焉

朱氏萬都一人王邦榮妻年二十七生男正錦三
歲而寡欲以身殉旁人勸以翁老兒少而止遂
携弱弟孤兒勞兼內外恢復前產翁卒殮葬如
禮未幾錦又染痘醫者以危在三日外先二日
遍辭親戚矢從丈夫於地下不忍視兒沒親戚
來寬慰者衣服各付予產業付其弟衆知其必

死緊防之夜偶疎竟投水死

吳氏白沙人主簿以松女配府經歷陳元粹子德
浴爲妻年十七歸浴伉儷甚篤事翁姑無忤色
年二十七浴病篤侍湯藥時刻不離浴故氏視
殮畢卽從容理裝仰藥以殉

上俱採訪

人物志十四 旌節 元 明 國朝

元

李氏教授林君用子婦年二十五孀守泰定間憲副阿刺公聞於省部旌其門憲副楊伯徵贈以詩云丹心已化望夫石血指猶存織女機

明

胡氏江南華亭人夫高文貴爲海南衛右千戶所吏胡從焉洪武壬戌文貴遭難卒胡年三十收骨以塋誓死守節教子誼以學業爲諸帥守所重楊升嘗爲作傳知府王伯貞跋之

張氏南橋陳普恤妻年二十八寡孀居六十年壽

八十餘正統己未旌

李氏澄邁黃村易周女西廂丘傳妻大學士文莊公濬母也年二十二寡矢志無二撫育幼子母兼父道後以子貴封一品夫人天順辛巳旌表

建坊

韓氏後所王勇妻宏之母年二十九寡壽八十餘

成化丁亥旌

吳氏前所昇女生員王鑾妻年二十六寡子宗源甫四齡矢節事親教子有義方長領鄉薦成績

學宏治乙卯或作癸亥詔表其宅張詡為之作銘

胡氏方伯濂女年十六歸進士張世衡世衡卒於

京邸胡年二十八守節嘉靖壬辰旌

鍾氏侍郎芳女適張世衡之子穀爲妻年二十寡

嘉靖丁巳旌

岑氏指揮王守臣妻蚤寡撫孤子秩襲職通詩律
同知陳夢雷請建坊旌之

唐氏郡庠生陳瑀妻年二十六孀守郡守周思久
旌其門

唐氏海南衛王宗義妻遭繼母次第讒妒借棲舅
家猶勤問視年二十四寡茹苦撫孤屢經家難
冰霜勵節俾義血食不替氏之力也有司旌獎
壽七十餘終

張氏大攝都亞魁王伯霖妻年二十九寡食貧守節詔旌其門郡守王可大銘其墓

陳氏西廂二儒士潘穰妻穰以試事卒於省氏年二十矢志靡他家素貧奉養耄翁茹苦供甘撫孤兒之楫紡織佐讀楫登賢書知善化縣御史王公賜粟帛學憲胡公建坊旌表

高氏中所儒士李元良妻生子際春過歲姑與夫相繼亡時年二十五顛危失所截髮毀容自矢靡他撫姪應春督課分貲一如己子事翁尤爲恪謹歲荒忍饑奉養萬厯三十一年瓊山縣令以節聞按院沈優獎年六十終萬厯壬子際春

領鄉薦至四十五年學道申請旌表

馮氏上東岸王演武妻年十八夫故無嗣孀守撫

姪承宗兩院蔡公王公旌獎

方氏庠生岑冕妻年十五歸岑甫七載岑故撫子

妖撫孫孫又早亡又撫二曾孫提抱相依教訓

年八十有七旌獎

國朝

李氏那梅都陳應熊妻熊亡氏年二十四子在襁

褓有議出嫁者輒絕食父母勸之李曰上有耄

姑下有幼孤忍舍之乎閨門嚴肅人莫覩其面

康熙三十一年院司給匾旌表

高氏那梅都吳蔭昌妻年二十五寡奉養孀姑不
嫁歷變亂饑饉茹荼食貧撫子經邦入泮康熙
四十五年旌

陳氏明進士是集女適文莊公裔孫庠生丘夢暘
生二子一在襁褓一甫彌月暘故氏年十九鬻
奩殮葬孝事舅姑撫二孤珩玟並列庠序年六
十餘學道給旌表

莫氏定安貢生莫亦若女適文莊公裔孫郡廩生
丘夢璧璧赴省試道卒氏年二十有一鬻奩扶
夫櫬回數年翁死與姑馮氏相依婦兼子職子
身無子世亂頻仍荼苦終身學道給匾旌表

吳氏桂林都會恕妻庠生吳象斗女年二十一寡
矢志堅貞事祖姑陳氏姑范氏盡孝撫孤子有
臨文奎並列庠序年踰六十閨範肅然學道給
匾旌表

葉氏東洋人定邑庠生軒學女年十八適周壁

志作周國壁二十二歲壁故矢志守貞以奉翁姑撫

孤子斐章食餼雍正七年旌年五十七

王氏海口人邑庠馮兆英妻廩生宗京母年十五

歸馮二十五兆英卒氏矢志靡他年六十一雍

正八年旌

黃氏瓊南北人邑庠克斌女庠生洪嘉素妻年二

十七夫卒氏栢舟矢志雍正九年旌

張氏大林一人辜弘昱髮妻年十五于歸十八孀
守歷年五十七雍正十年旌

潘氏萬都人廩生思孔女庠生周乘穹妻二十三
歲寡氏堅志守節外人罕覩其面撫子洪煥食
餼雍正十一年旌年五十七

吳氏東廂二人庠生于舒女廩生陳今興妻十六
歲歸陳禾踰年夫殞孀守撫嗣子治補邑庠壽
七十二雍正十二年旌

鄭氏演順都人陳弘綽妻孝友存禮女年二十六
夫故矢志栢舟撫子贊潔成立年五十六雍正

十二年旌

馮氏西廂人舉人嘉遇孫女生員許世華妻年二十六夫亡撫孤嘉義嘉禮備嘗艱辛年五十六
雍正十二年旌

符氏大林人庠生聖紀女邑庠陳是則媳生員宏謨妻年二十七宏謨死冰霜守節歷三十餘年
乾隆元年旌

吳氏大林一馮倉村馮偉運妻吳逢先女二十歲
偉運故松筠勵操孀守三十餘年乾隆七年旌
伍氏西廂一人郡庠必勝女年十七歸邑庠吳鼎
鍾子毓奎爲妻明年毓奎故氏芳年勵節大義

皎然遺腹子士衡訓養遊泮乾隆八年旌

王氏演順二人吏員照極女配貢生陳隨進次子

嫌爲妻年二十六嫌故誓志堅守撫嗣子贊疆

成立乾隆八年旌

曾氏大林人元英女年十七適邑庠陳是則男郡

庠弘藝爲妻次年弘藝夭逝誓不再適撫嗣子

懷士進泮氏年五十二乾隆九年旌

陳氏萬都人兆興女貢生綽胞妹郡庠吳有要妻

年二十二于歸二十七歲夫亡孀守三十餘年

乾隆九年旌

劉氏振文都之禮女楊朝選妻年二十三夫故哀

傷欲絕以孤兒在抱不忍矢死靡他孀守三十
七載乾隆十年旌

周氏開文人廩生其焜女陳毓英妻二十三歲毓
英故矢志孀守撫孤執中名貢成均氏年五十
有三乾隆十年旌

陳氏西廂一人增生金益

府志作益金

女配舉人黃廷

瓚之子邑庠元先為妻年二十三夫故堅心孀
守立嗣子翰春為嗣年五十有二乾隆十年請
旌

劉氏調塘人生員金女生員陳邦祚妻年二十歲
夫卒矢志完貞生二子所傳所守撫養教誨俱

蜚聲太學乾隆十年氏年六十有五請旌

黃氏西廂人貢生嘉璧女羅輝斗妻年二十三輝
斗故冰潔自守撫孤以寬進泮卒年五十有三
乾隆十一年請旌

陳氏蘇彝二都馮潤妻年十六歸馮踰五載潤歿
冰霜自矢家貧簞勤女紅以養翁姑翁姑卒喪
塋盡禮持家有法子典膺歲薦氏年八十餘終
乾隆十三年旌

蔡氏吳世卿妻年二十寡堅志貞守閨門清肅撫
子淵有成卒年八十乾隆十四年旌

林氏博茂圖草堂村郭瓊泰妻年二十二夫故林

守節不二擇姪承祧事翁姑至孝養生葬死不
留餘憾乾隆二十七年旌

李氏杜鍾麟妻年二十一生二子而寡夫弟玉麟
妻張氏年二十三寡亦有二子同志孀守奉鬻
姑色養備至撫孤兒恩義兼盡姑歿共鬻釵裙
治喪相依三十餘年一門雙節里閭稱之乾隆
三十六年旌

吳氏庠生王章妻乾隆十七年旌

謝氏呂奇侯妻乾隆十七年旌

陳氏吳文淑妻乾隆十七年旌

張氏王麟妻乾隆三十八年旌

周氏聞文圖陳毓蛟妻堅貞自守乾隆四十六年旌

潘氏海生王元輔妻乾隆四十六年旌

王氏上游都人梁萬邦妻年二十二夫故氏矢志
孀居撫孤成立乾隆四十六年旌

鄭氏王鈞妻嘉慶二年旌

謝氏廩貢吳琮側室嘉慶五年旌

符氏王緯章妻嘉慶六年旌

雲氏蘇彝二圖美帖村馮淑妻文邑在禮女二十

二寡爲夫立後姑病親侍湯藥禱佛有驗齋以
酬之誓不火食庭有波羅密樹從地下根結子
土裂見之取供齋食永永不絕及卒樹枯人以

爲誠感事姑殯塋盡禮性喜施濟周恤貧困撫
從姪鳴甲爲嗣恩勤教育頌歲薦嘉慶六年旌
雲氏蘇尋二曷美帖村馮棟妻年十七寡夫弟枚
妻韓氏亦年二十二寡各撫任爲嗣冰霜共履
閨門靜蕭相依三十餘年一門雙節閭里稱之
俱嘉慶十三年旌雲氏壽八十卒

郭氏曾魁文妻嘉慶二十四年旌

徐氏編修吳璵側室年二十六寡鐵石其心松筠
其節從一以終嘉慶二十五旌

呂氏廩生許子恭妻年二十二寡靜守不出閨闥
鄰人少識其面道光元年旌

王氏陳以俸妻道光元年旌

馮氏原陳君仲妻年二十一仲故欲殉之或以孤兒勸不答又曰如舅姑何氏乃誓不再適訓子景昌遊郡庠道光八年旌

吳氏王時泰妻道光六年旌

吳氏廩生王翰學妻道光八年旌

覃氏遵都人儒童蔡江妻太學生正心母年二十四孀居貞節不改始終如一道光十年旌

吳氏周文穆妻年二十七夫死遺二子吳矢志守節撫之成立年七十七終道光十年旌

蔣氏周甫懿妻年二十五夫亡孀居苦節毫無遺

憾次子執菖成均孫鎮岐郡廩曾孫長發郡庠
壽七十三卒道光十年旌

吳氏周宏琳妻道光十年旌

張氏官隆四人游國藩妻堅貞不二淑慎其身道
光十一年旌

鄭氏麻釵圖陳邦瑞妻年二十七寡於大義介
石自持雖爨火久虛而無怨懟聲里閭共欽其
節道光十四年旌

馮氏陳翰章妻道光十四年旌

李氏楊廷珏妻知府恒謙妹年二十二寡松
筠勵節清苦持家撫嗣男以養兼教道光十四

年旌

林氏 編修 吳瑛側室年二十九喪偶守節撫孤勤

勞家政內外無間言道光十五年旌

蔡氏鼓樓符兆熊妻年二十九寡冰霜勵節辛苦

持家道光十六年旌

馮氏邑庠生吳以均妻澧州判雋母年二十一寡

矢志孀居事親盡孝奉槃匱潔滌滄雖嚴寒盛

暑無惰容持家有禮法教子以義方族黨欽之

道光十六年旌與粘氏合建坊於大慈寺之右

楊氏葉泗潤妻道光十六年旌

梁氏西黎一都王廟妻年二十三夫故梁勵節冰

霜白頭無玷道光十五年旌

楊氏梁陳二人蔡在智妻年二十四寡靡他矢志

道光十六年旌

馮氏鼓樓增生符俊英妻年二十五寡竹操松筠

忍荼茹素道光十六年旌

林氏蘇等二圖福岷村陳日炳妻年二十二炳故

孀居三十餘年謹守閨闈能識大體道光十六

年旌

黃氏庠生陳元模妻二十八歲寡撫孤子步蘭成

立約死成均道光十六年旌

馬氏蒼原二人覃魁晃妻夫故守寡養子純仁娶

妻洪氏洪年二十九仁故洪與孀姑相依為命

全節無虧道光十六年旌表一門雙節坊

王氏庠生何其熾妻道光十六年旌

王氏遵都人儒童蔡勸妻勅封修職郎太學生永

栗母年二十四寡矢志貞白之死靡他道光十

六年旌表建坊翰林院檢討邱建猷為之作傳

林氏武生鄭鋒妻道光十六年旌

符氏楊廷瑞妻道光十八年旌

馮氏永興都王儒佩妻年二十四寡勤績以養翁

姑撫姪以承禋祀水守四十四年道光十七年

旌

吳氏林家瑞妻年二十三寡勤儉持家曲盡其道
道光十八年旌坊豎博冲大路邊

鍾氏吳德讓妻道光十八年旌

粘氏附監生卽用照磨吳以懋妻年二十四失偶

居常無笑容御下多慈惠茹素奉佛戚邵罕覩

其面乏嗣以澧州州判儁兼承其祧道光十八

年旌與馮氏合坊

饒氏演順都瑤城村符運謨妻年二十一失偶矢

志孀居事翁姑撫諸弟曲盡其誠享年六十有

三道光十八年旌

曾氏梁陳一人布政司理閻鴻圖女梁士進妻年

二十三夫故曾矢志柏舟道光十九年旌

潘氏桂林高之拔妻歲貢家駿女年二十七夫故安分守節勤儉可風道光二十年旌

陸氏陳見瑞妻道光二十一年旌

張氏生員陳日晃妻道光二十一年旌

溫氏例授縣丞吳以桂妻年二十三寡矢志松心不貳其志道光二十四年旌

吳氏調塘二圖林其英妻年二十二歲英故貞以自守敬以事姑道光二十四年旌

林氏涇洲圖圍尾村陳大壯妻年二十九失偶氏

矢志栢舟撫子席珍遊府庠道光二十五年旌

林氏涇洲圖新安村陳德京妻年二十九歲寡氏
守節不改撫二子成立學院李星沅賜慈愛可
風匾道光二十五年旌

王氏蒼原人例貢景山女監生黃晉妻年二十二
夫故氏志同金石道光二十五年旌

馮氏官隆圖王朝烈妻庠生懷芳女年二十二歲
烈故冰霜自守竭力事親無忝婦道道光二十
六年旌壽六十一

溫氏西廂例授都事吳以楨妻廩生吳鎔母年二
十五失偶處素封而儉約訓子以嚴濟慈道光
二十七年旌

蘇氏海口二圖西門內李提標妻年二十九夫亡
事姑孝謹教子義方孀居四十餘年現年七十
四道光二十七年旌

符氏聖鹿圖張在鵬妻年二十鵬故矢志孀居堅
貞自守家有田庄值數千金氏盡撥歸祖丞嘗
自甘淡薄道光三十年旌現年六十一

陳氏文林圖大殿坡村吳元之妻國學定之嫂案
庠步衢母也年二十六元亡遺孀三歲氏孀居
撫養教以誦讀衢稍息卽撻以機杼曰汝若不
學吾何望焉道光三十年旌

李氏監生拔謨之女監生吳伯任妻年二十一伯

任故李誓不再醮現年六十道光三十年旌

馮氏例貢吳世煥妻年二十五夫亡矢志靡他撫

五月孤子成立教誨有方人稱爲女中君子咸

豐元年旌

林氏西廂一馮續登妻年二十二寡事翁姑撫穉

子備歷艱辛苦節三十九年咸豐二年旌

李氏博茂圖潭窟村儒士陳日陞妻年二十二陞

亡李孀守無他事親教子婦兼夫道壽七十三

咸豐二年旌

馮氏張吳圖道郡村吳天運妻歲貢生亶聰堂弟

婦年十七運亡無嗣馮孀守苦節事翁姑以孝

聞撫弟子女如己出卒年七十有五咸豐二年旌

符氏東洋員山人布政司理問棠之女配增貢生

思有萃之子廩生天衢為續室年二十四衢故

符貞白自守婦供子職母兼父道現年六十五

歲咸豐二年旌子光熊邑庠生孫慶齡邑廩生

李氏興義圖道養村吳朝會妻歲貢黃煥孫媳年

二十四會亡無子李矢志不他適咸豐三年旌

張氏張吳圖龍盤塘陳園瑜妻年二十九寡冰霜

自守不為浮言動茹苦自甘門內肅修人無間

言現年六十有六咸豐三年旌

吳氏王時瑜妻西廂一人增生王子俊祖母十七

于歸時姑亡翁病朝夕侍藥衣不解帶年二十
九夫故益矢水霜卒年六十有九咸豐五年請
旌

林氏王廷俱續妻增生子俊繼母年二十八俱故
冰霜勵節孀姑殘喘多病承顏不怠守節二十
四年咸豐五年請旌

張氏西廂二袁繡妻年二十五繡故家無斗升紡
織度口撫遺腹孤有成卒年五十八咸豐五年
請旌

鍾氏西廂二羅以授妻年二十五寡水霜矢志二
子終賴以成立守節四十五年咸豐五年請旌

李氏邁別圖王文炯妻年二十一寡守節四十二
年道光二十六年旌

人物志十五貞節 明 國朝

明

李氏夫夫傳許字永嫁夫染病夫族將火化之
氏聞期與笈往視火發感激涕泣遂起火殉夫
死夫家因合葬於五里亭南大路邊墓前有坊
書明貞節烈婦李氏墓昔有文宗越此嶠頂忽
颺起疑問得知其事因題詩曰未謀夫面伴夫
亡不比尋常烈女行白髮尙難全晚節青年誰
肯負春光魂歸峒裏乾坤老名播人間草木香
我輩未嘗輕洒淚爲他千古振綱常

貞節

盧氏上東岸人許字周建賢年十六未嫁而建賢卒氏哀慟不勝登門奔喪孀守白首無玷撫嗣孤世標能以母兼父道年五十有一乾隆十年請旌

鄭氏蘇尋二圖美帖村馮琮聘妻未嫁而琮亡鄭哀慟不欲生琮肥弟舉人玠憫之迎於家以遂守貞之志公齋勵操白首無玷乾隆四十五年吏部尚書湯斌大學士蔡新以貞酒流芳匾旌之壽八十卒

謝氏林其玟聘妻嘉慶三年旌

李氏兆祥女許字城內東周巷鄭同明未婚夫卒

李聞訃奔喪守節家貧如洗冰操三十餘年里
捐置舖二間取租息以

贖之

林氏

妖林奔喪守義事親能

執

陳氏下田

賣青去

聘妻包窳陳文賢女年

七娶

日已定期未至而龍基亡陳登門守節食素終
身事翁姑撫繼子辛苦數十年冰霜如一日道
光乙酉旌建坊北門外

王氏博盛一都黃元鏜聘妻年十八未字鏜暴亡

氏聞痛哭幾絕毅然登門守節父母親屬再三

勸諭不允遂歸黃家終喪貧無立錐勤女紅以

供舅之撫姪子以延嗣有憐其貧而賜之者不

受或諷之嫁即取棺化塞其耳苦節七十餘年

壽九十五里黨嘉其貞節舉人杜應清為之傳

馮氏洪見邦聘妻沙上村人年十六方聘而夫亡

毅然登壇 烈之親鄰慰之舅姑再三

推之 葬至 長哭而哀觀者為

之泣 年不復 歸母家貧無寸產織蒲

度口 年幾斗米錢八百鄉人憐其貧

而賜之 心茶毫無怨言順事舅姑始

終盡禮年五十餘卒道光己亥旌

人物志十六 守節 明 國朝

明

韓氏 廬人 大學士濬子 訥 妻 文昌 繼 芳 女

成化 丁 卯 年 二十 四 歲 赴 國 學 娶 舍 人 徐 恭

女

八 年 赴 京 邸 韓 與 徐 氏 守

節 終 身

韓 氏 陳 菊 芳 妻 年 十 九 孀 居 苦 節 父 母 窺 其 貧 窘

倍 與 資 奩 令 改 適 韓 痛 哭 撫 孤 自 矢 父 母 誘 之

歸 至 門 而 返 移 居 夫 舍 傍 旦 夕 泣 掃 至 老 不 移

孝 廉 張 學 顏 稱 其 完 節 以 比 共 姜 云

謝 氏 左 所 人 庠 生 海 瀚 妻 年 二 十 八 寡 子 忠 介 公

瑞甫四歲家計蕭條謝矢志鞠育口授孝經學

庸諸書長就外傳少有戲謔必嚴辭訓飭之後

瑞領鄉薦官至右都御史以氣節名天下謝之

教也府道欲請旌當路有與謝者遂沮其事

邱氏海忠介公附繼室年十四歸瑞事姑孝二十

八竄撫

子不

刪

張氏東甯人唐氏與妻隆慶六年倭賊攻海口入

村傷其父與持梃救父為賊所殺張年二十七

食之孀守孤苦零丁四十八年如一日人謂天

孝婦節世所罕有

周氏西甯人生員潘積妻年十八歸潘越三年而

寡孝事舅姑撫訓遺子成立與潘孝廉之楫母
詩稱雙節云

王氏邗邕人丁酉舉人張玉妻賦性醇謹涉書史
年二十適玉逾六載玉慮會試卒於道訃聞哀
毀欲絕或勸之再醮玉曰石爛海枯吾志不移
也紡織攻苦六十二卒

黃大娘蒼原陳以忠妻年二十二寡撫孤子尙之
矢志不渝

李氏中所唐福妻年二十五寡未幾子女三人俱
夭孀守終身

莫氏東洋周宣妻年二十寡毀容守節摘髮垂盡

及老人呼為禿頭婆正統間縣以上聞

蔡氏前所楊銀妻年二十一寡守節不改

黃氏蒼原陳表妻定安訓導黃景晟之女年二十

四寡守節終身不改

岑氏左所千戶舍人王班妻同所百戶琮女琮或作踪

年二十一寡無子誓不再醮完節終身

陳氏右所溫璫妻年二十七夫亡勵志守節終身

不變

王氏蒼原許廕妻教授王罔之女年二十三寡矢

志孀守克全其節

黃氏東廂郡庠生唐惇妻貢生唐紹祖次媳御史

唐舟孫媳年二十寡矢志守節孝事翁姑教育

嗣子長登仕籍壽八十六

鄭氏

張志作鄧氏

謝有馮妻生男甫週月夫亡苦節孀

居紡績自給年六十餘卒

田氏前所生員鍾秀妻年二十九寡無子奉親孝

為鄉里所稱正德戊寅郡守上其節年八十餘

卒

朱氏海南衛鎮撫舍人陶懋妻左所百戶朱燦之

姊年三十寡生遺腹子鈺撫育成立食貧守節

閨門肅然

林氏蒼原都廩生陳鉞妻事翁姑以孝聞年二十

九鉞卒欲以身殉左右勸之曰卽死如諸孤何
氏遂矢志孀守課子宗濂宗濬領鄉薦宗洙宗
泗遊太學人稱賢母壽七十餘終

馮氏生員張希曾妻年二十二曾亡剪髮入殮誓
不再醮苦節自甘立嗣撫孫孀居五十餘載壽
七十餘

國朝

唐氏庠生珍女適林茂年二十四寡值鼎革兵燹
連年饑饉氏以女紅撫一子一女皆婚嫁子名
朱審讀書入武泮克盡孝養氏年七十六終

謝氏貢生清女適庠生周特傑次子焄年三十寡

守節撫孤。值變亂饑饉，茶苦食貧，課二子讀書。
長子至郡廩生，次子聖邑庠氏。年七十餘，學院
樊公澤達旌其門，曰以節成慈。

彭氏明兵備道中軍，徐後達妻。年二十二喪夫，遺
孤三人，長履益甫六歲，次作楫雲，裁皆襁褓。值
鼎革饑饉，連年氏矢節撫孤，教育三子相繼入
泮。未久相繼夭亡，與寡媳胡氏鞠育孤孫徐祐，
成立苦節六十餘年，壽八十二。

林氏桂林都庠生高配天妻。年二十夫故，家貧甚。
子錫純在襁褓，守節教子錫純，府庠明經，執經
門下者多。成名氏年七十終，紳士請旌匾其門。

曰淑節遺芳

許氏桂林高臺妻年十五歸臺翁姑早喪惟祖姑
 在堂年二十夫客死會同哀痛幾絕乃嚙指為變
 產運柩歸葬一子二歲一子彌月以次者為伯
 兄嗣自撫育二歲孤兒勤紡績以養祖姑其子
 方成立而卒親黨憫之諷使早思變計氏泣曰
 高門不幸吾何怨焉終不貳志孀守凡三十餘
 年

張氏興仁都陳啟蘊妻年二十一寡生子紹仁或作

榮二歲有以子幼家貧勸其他適氏勵志益堅
 奉事翁姑惟謹辛苦操作躬紡織以供養及終

喪葬盡禮夫有幼弟三人俱爲完娶妯娌和睦
一孀守三十年如一日

黃氏方伯宏宇孫女適處士享全斌生二子一哺
食一彌月舅姑早亡年二十四夫歿鬻奩殯葬
矢志栢舟值海黎亂攜二子逃匿山中三日不
火採木葉食之賊復縱狗搜山昏迷中儼見其
夫指引迷處得免寇靖連年凶旱飲冰茹荼殷
勤紡績教子長男早夭次男弘亮食廩餼

林氏西廂人王相臣妻澄庠汝驥母年二十二寡
鞠育一子永無二志勤紡績以奉翁姑自甘淡
薄壽六十人無間言

符氏西廂人郡廩潘待聘妻庠生嘉祉女年二十夫死氏思以身殉念弱子翁姑無託乃矢志孀守養親撫孤辛勤備至歲饑餽亂離相繼以拮据支持其子之璘膺歲薦人以爲苦節之報年八十卒

蒙氏涇洲白沙村王廷俊妻年二十六寡家貧又無薄功親可倚舅氏憫其孤苦勸他適氏嚴詞以拒紡織食貧撫孤後孫子衆多壽七十三

林氏東廂人庠士蘇和妻郡庠廷魁媳年二十一

寡家徒四壁氏孀守耐貧勤績紡以佐子讀子

明試食餼郡庠皆晝菽和九力也年八十終

鄭氏大英庠士陳良貴妻邑庠鄭人年十八夫故生子煥時方襁褓氏保孤備歷艱辛堅貞不改

周氏上東岸都人林大經妻年十六歸經甫二載夫歿子森方襁褓終窶且貧氏長齋茹淡矢志撫孤歷久不變節署縣宋匾其門曰貞節流芳趙氏頓林人李際春妻年二十四子挺杖方在襁褓夫渡海溺亡欲以身殉而呱呱待哺隱痛含淚三十餘年經寇亂備嘗艱辛而其節益堅有司給匾玉骨冰操

吳氏東昌都邑庠黃爲弼妻二十五歲爲弼死誓

不再適教育二孤廷極廷柱茹荼飲蕪歷盡酸
辛人皆欽其閭範

陸氏頓林都邑庠黃瑞妻年二十六歲或作先偶

冰霜矢志閨門肅然子鋤鋤或作翊庠生

何氏瓊南北人貢生魁宿女陳垓妻年二十三垓
卒誓不再醮家計蕭條奉親皆合禮法撫孤先
哲成立孀守三十六年

陳氏頓林都貢生王君極妻年二十五喪偶甘心
守節奉事翁姑撫養嗣孤勤針帶以助家計孀
居三十一年族隣俱無間言有司請旌表

張氏東廂二甘潤美妻年二十一夫亡僅育一女

栢舟矢志冰霜苦節年五十卒

陳氏冠英坊庠生吳希聖妻年二十四失偶堅志

守節無玷清閨撫子繼周成立年五十有五

謝氏海口一庠生林維學妻二十八歲維學卒誓

死完貞奉老姑撫孤孩備嘗艱辛孀守三十餘

載子輝先武庠

陳氏東關符萬安妻汝和母年二十四喪偶栢舟

矢志撫育遺孤母兼父道孀居三十餘秋勵節

完貞邑里敬其壺儀

洗氏南關邑庠吳經邦妻年二十三夫歿矢志堅

貞撫二子早逝又撫穉孫廷璠廷琇提攜成立

卒年六十三

王氏梁啟學妻年二十五梁故誓不再嫁奉姑誨
子艱苦備嘗尤能持家政上下帖然子雖屢庠
生年六十餘卒

楊氏庠生吳道南妻生員灑母年二十六寡事翁
姑婦兼子職撫穉子母兼父道族黨稱白璧無
瑕

陳氏年十六適何大開二年寡焚髮婦志堅金
石遺孤光衢生九月提攜教誨以迄成人

徐氏王天佐妻夫早逝子殿元甫六歲貞守撫訓

以全節終

王氏生員鄭紹斌妻年二十五寡食貧守節孝奉
髦姑教育孤兒動合禮法卒年五十二

王氏生員瑞華女陳文炳妻年十八歸陳逾六載
夫故子于佩僅四齡氏矢志靡他家貧紡績奉
姑訓子成人有文名年五十八卒

李氏陳聖學妻早寡奉二親盡孝訓育二子有家
法長炳斗邑彥次輝斗領鄉薦任山東博興縣
知縣年六十六卒

陳氏馮文忻妻年十七歸馮八年夫歿陳誓無二
志力貧撫孤子廷瑛膺貢選孀居三十餘載完
節無忝

李氏吳鉤寶妻年二十五寡守貞垂三十年撫孤

子昌儒教誨有方族黨咸欽壺範

潘氏歲貢文寵女年十八適廩生陳聖哲三載聖

哲亡無子潘誓以身殉念二代公姑俱衰邁爨

爨無依乃強視息織紉以供菽水孀守三十五

年

王氏廩生周李松妻舉人王賓女年十八歸周五

載夫亡節凜冰霜發居三十餘年無玷性喜施

捨修治橋路鄉人德之

莫氏周堊妻年十七贅堊踰年堊死無子守義事

翁姑生養死葬如禮撫姪丙為嗣苦節四十載

鄭氏蒙維燦妻早寡家徒壁立有諷令再適者鄭
截髮自誓日勤女紅奉翁姑撫訓藐孤光碧補
郡庠壽六十有八

陳氏鄭樹鼎妻年二十六寡矢志靡他孝事老姑
姑歿罄奩營喪塋訓子瓊入庠有畫荻風又念
伯兄無嗣大宗不可絕以己子爲之後沒齒無
怨人稱爲女中君子邑令鮑啟泌旌其門

游氏博盛都杜常輝妻年二十六寡誓不改適事
舅姑養生送死無憾撫七月孤攀棧教育成立
孀居三十年艱辛備歷鄉黨稱爲苦節

吳氏張吳東圖生員高超妻年二十四寡矢志栢

舟自甘淡薄事老翁以孝撫嗣子以慈守貞三十四年清操不改

張氏歲貢字泰女年十五適洪世琮甫四載琮故家貧無子與孀姑相依父母欲奪其志張曰我嫁寡母何依誓不改日勤女紅以供甘旨姑歿喪葬盡禮守節終身

王氏邑庠必祿女年十八歸詹登科踰四年寡守節事髦姑以孝聞撫姪經文爲子寓嚴於慈經文由邑庠食餼膺貢王猶惓惓勗以力學閨門整肅孀居三十一年鄰人罕覩其面

陳氏朱光璉妻年二十二寡遺子甫二歲家貧陳

守節不二躬織紵奉姑忍饑哺子姑歿哀動鄉
里殯葬合禮完節而終

張氏貢生必達女年十七歸邱瑛逾年瑛故家貧
無子父母憐其幼令再醮張勵志益堅事姑得
其歡心撫猶子士侯爲後苦節三十九年教諭
鍾靈以古節冰霜旌之

陳氏庠生其珍女年十七歸王允予予往外教讀
死陳變奩扶櫬回葬訓子紹先列邑庠教授黃
壯表其門

陳氏蒙聖連妻年二十五夫歿二子在抱陳拮据
奉翁姑撫二子孝慈無間長子娶陳氏生二男

而天次子娶張氏舉一子亦亡一姑二媳皆守義相依為命一門三節尤世所罕觀者

羅氏東廂馮廷佐妻年二十二寡生遺腹子成茹茶飲藥以養姑姑歿為營殯葬竭力摒擋孀居三十五年無玷清節

邱氏年十八適貢生潘相國踰五載夫亡孀守奉翁姑克盡孝養撫嗣子命九補弟子員尋歿婦馮氏年二十二遺孤和介方在抱姑婦食貧鞠和介亦列膠庠邱壽八十三馮年六十餘學使王際華旌其間一門雙節鄉里重之

饒氏年十九適邱宗邦六年夫故遺二孤家貧翁

姑多病侍奉唯謹翁姑歿喪塋盡禮持家訓子
年六十四歲終

趙氏張應朝妻年二十七寡勤女紅敬奉翁姑撫
遺孤宏猷成立孀居六十三年

邢氏歲貢生爾麟女年十七適張公模十九夫故
舉遺腹子守節孝事翁姑子娶婦尋歿擇姪孫
爲嗣恩勤尤篤與寡媳相依五十餘年學使程
巖旌以節義可嘉

林氏生員馮茂春妻年十六歸春二載夫逝含殮
畢欲以身殉翁姑以親老子幼諭止之事舅姑
以孝聞篝燈課子寓慈於巖壽七十乾隆三十

五年學使翁方綱旌曰栢節松操

潘氏歲貢生湘孫女適李鍾芳年十九寡截髮明
志立繼嗣勤機杼以供翁姑生事死塋如禮教
授鍾南麟表其門曰金玉完貞

馮氏廩生永祚女年十六歸謝俾運越五載而寡
遺孤在抱甘貧守義苦節五十年始終如一

曾氏庠生黃仕越妻年二十三夫故遺孤五齡曾
栢舟自矢勤紡績事翁姑喪葬獨任教子成立
年五十二終

沈氏博茂人林潤珩妻年二十寡林兄弟偕亡父
母老而無依氏克殫婦職清操自持四十餘載

謝氏張書升妻年二十四夫亡無子誓不再醮孝
養耄姑撫嗣子玉鳳教以義方補郡庠霜操歷
三十餘年如一日

張氏王冕妻年二十夫亡累日不食誓從死其姑
日爾死無愧爾夫如老身無依何氏遂忍死勤
女紅以供甘旨撫猶子減己食以哺之族有憐
其貧捐田資饋粥者卻不受貞潔自守至老益
堅

王氏廩生潘朝敬妻年二十五夫亡子家駿甫三
齡志矢冰霜家貧紡織奉髦姑必誠必敬子稍
長命就外傳教誨嚴肅後列膠庠學使翁方綱

旌之日節比松筠

黃氏年十九歸嚴宗岳五載而寡遺孤甫三月夫疾篤將訣氏嚙指流血誓不改節上事翁姑下撫幼兒孝慈兼至年六十有一

林氏王紹統妻年二十五守節撫孤子章入泮後章歿媳吳氏事姑孝謹姑病顛天請代疾立愈與姑辛勤鞠子之藩登進士之垣補邑庠林壽至八十二吳卒五十餘學使鄭虎文旌之

吳氏廩生符公爵妻年二十五孀守事髦姑撫孤兒孝慈兼至苦節三十三年卒

林氏年十七歸吳元美越五載夫亡矢節事翁姑

鞠弱子孀居五十餘年人無間言

胡氏王世位妻年二十三夫故有巨室欲娶爲婦
其姊力勸之謝曰吾命薄不能爲貴人婦也清
苦守節七十四歲終

梁氏廩生吳榮光媳廩生瑋妻年十九寡冰清玉
潔年五十九鄉里贈匾帳以獎其義

陶氏萬都一丁日炳妻年二十六寡外氏屢諷再
適氏激烈不食欲以死明或以孤兒無依勸乃
止壽八十六

符氏萬都一丁江夏妻年二十五寡無男獨續母
生一弟符撫之以延宗派有諷之再醮曰我

有後天不虧我矣續母服其孝義壽七十七

王氏吳元相妻年二十五夫故舅姑聽從所願王
守志彌堅曲盡艱辛六十餘年進士王之藩作
序贈之

曾氏武生邱士健妻年二十六寡矢志柏舟伯兄
士俱出仕家中年節朔望朝夕焚香啻氏躬親
後以姪萬邦馳贈九品孺人壽八十八

周氏博茂圖潭窟村儒士陳良斂妻年二十一良
亡遺腹男三月氏孀居五十四年撫之成立學
院翁方綱獎之

陳氏張吳圖吳秀鏤妻少年寡居飲水茹藥以養

厥子進士謝寶贈額表之

張氏監生楊友桂妻歲貢生元季媳進士文熙曾
伯祖母年二十五友桂故氏并水明心冰霜勵
節文宗李調元賜匾獎之壽八十六

王氏監生陳彤卓妻貢生君極女訓導陳儒瑞媳
年二十于歸未期而寡矢志撫孤姊妹非時不
見邑侯吳政達獎之壽九十六

楊氏上游都梁如圭妻貞節無玷壽七十一

林氏大林二圖南岳村陳乃仁妻仁亡氏年二十
二歲冰霜自守矢志靡他養兒子爲嗣教授謝
鸞題額表之壽八十五

張氏博茂圖潭宿村陳京敏妻年二十五寡無嗣
氏守義貞潔貧而無怨苦節爲人所難壽六十
六焦郡守題額獎之

吳氏文煥都丁村陳瓊妻十七歸越期寡冰霜
矢志孝養無歉壽七十八

王氏那邕圖梁寵妻年二十四寡家貧織屨養孤
備嘗辛苦壽七十五歲

李氏譚塘二圖禮家瀉村陳嘉琪妻年二十寡矢
志孀居克盡婦道茹苦以撫遺孤人無間言紳
耆偕同族舉人毓滋贈額表之壽八十五

王氏丁村陳必照妻年二十一寡家無寸產終撫

一男一女成立乾隆三十五年鄉鄰送節孝匾表之壽七十七

陳氏黃金鏞妻年二十寡撫孤子日昭成立娶媳王氏年二十八昭亡王誓不再醮奉孀姑撫三男孝慈兼盡備歷艱辛陳氏壽八十一王氏壽六十一邑侯蔡升表其門

黃氏鄒學孔妻年二十四夫亡孀守撫子貞心不變壽八十八

韓氏調塘一圖皇瀛村陳毓琨妻年二十二夫亡堅貞自矢不苟笑語舅姑前必柔聲怡色以承志學院姚文田題匾獎之壽八十四歲

黃氏庠生王之坦妻年二十四夫故誓不改嫁撫
姪孚若爲子膺歲薦學使姚文田給匾獎之壽
七十八

高氏振文圖吳璿妻年二十孀居嘉慶癸亥年學
政姚文田表之壽七十

林氏調塘一圖陳毓琅妻年二十四寡柏舟矢志
堅如金石舅姑有疾輒涕不食道憲蔡共武題
匾獎之

馮氏下田村雲在彤妻教授志達媳年二十三寡
妾陳氏年二十同矢志冰霜茹荼三十餘年道
憲蔡共武賜以匾額

彭氏邕陽永朗村劉耀禹妻年二十一夫亡家徒
四壁勵節孀居壽六十九知縣鄭榕表之

覃氏梁陳二張載然妻年二十五寡敬事翁姑壽
八十一進士陳宗贈匾表之

黃氏符君贊妻生員佩訓祖母年二十七寡矢志
靡他嚼雪茹荼以終其世胡學憲賜匾獎之

林氏楊映泮妻進士文熙堂伯祖母庠生其灝女
年二十六夫故守節撫孤清可擬夫冰壺行無
玷乎巾幗文宗程國仁賜匾嘉之壽七十七

陳氏聖鹿圖龍茂泰妻年二十一夫故矢志堅貞
人無間言傳學使獎之壽七十八子龍飛補邑

庠

吳氏大林一圖李樹績妻年二十八績亡氏孀居數十年鄉里欽其貞靜白學院賜匾獎之壽九十三

沈氏庠生鄭以琬妻郡庠承懿母年二十八寡不貳其志完節以終學使白鎔賜匾獎之

王氏開文圖謝志政妻年二十二政故遺腹生男撫之成人矢志孀居始終如一翁學台賜額表之

吳氏官隆一王世斌妻例貢謙之媳年二十一孀

居守寡矢志靡他翁學台表之

韓氏調塘二圖林所校妻年二十二校卒矢志守節寡獨自處道光十年氏年六旬有餘學院徐士芬表之

梁氏東洋一周經承妻年二十六夫故氏誓死撫孤備歷艱辛壽八十七徐學政表之

周氏邕陽普堤村吳家權妻年二十五寡勵節冰清盟心玉潔學使李泰交賜額表之壽八十四
王氏邕陽里仁村吳成維妻年二十四寡夫弟成邦妻周氏年二十七亦寡俱無嗣同矢志冰操
王年七十七終周年八十三終李學院表之

洪氏楊日遮妻年二十三寡誓不他適李學政獎

之壽七十一

林氏頓林村趙元楷妻屆貢經長媳年二十三寡
外氏見其貧勸改醮氏絕之足不再履岳家地
學院李星沅獎之壽八十

高氏南渡村秦紹龍妻年二十于歸越三年寡生
一男勤鋤縫以給養李學台賜匾獎之

梁氏邕陽尚道村庠生吳以道妻歲貢剛之母年
二十二寡剛甫週歲矢節不渝事姑教子備嘗
艱苦年五十二卒督學李星沅獎之

謝氏邕陽尚道村吳漢鐘妻歲貢剛祖母年二十
三寡矢志無二事親撫孤孀慈兼至年五十二

終督學李星沉獎之

馮氏尚道村吳傳誠妻歲貢剛伯母年二十五寡耐貧守節克盡婦道年七十六督學李星沉表之

周氏邕陽大賓村陳文會妻年二十四寡夫弟文奇妻林氏年二十三亦寡家無儋石周與林茹荼飲藥同志孀守周五十九卒林六十卒戴學政獎之

周氏蒼原一都許國萱妻年二十一夫故氏矢志孀居捐匱資以助建祖祠置祭田族人稱道弗衰戴學使賜匾獎之

顏氏邕陽尚道村吳傳周妻年二十二寡弟傳昭
妻馮氏亦二十一寡同矢志冰操至老不踰閭闕
戴學台表之顏氏壽七十五馮氏壽七十

蔡氏暫都吳正學妻年二十六寡事姑克盡孝
道撫兒子爲嗣戴學憲獎之壽七十二

周氏王安治妻吳氏王安業妻俱麻長圖廩生時
煌之媳周年二十寡無子吳年二十四寡生一
男二氏矢志無他適喪葬盡禮周壽七十三吳
壽六十三戴學院表之

邢氏蘇舜二圖馮良翰妻年二十四翰故堅貞自
守撫姪爲嗣戴學使賜匾表之壽八十一

黃氏徐家屯林昇鳩妻監生士璫母年二十四鳩卒堅貞自守全學政賜匾表之壽八十二

雲氏蘇箴二圖陳日香妻年二十四寡撫孤守節善執婦道學使吳保泰獎之

馮氏永興圖徐士璣妻文邑庠生士奇女璣亡無子仲季弟繼歿氏年三十無餘資時典釵濟人緩急里鄰咸欽其行完節十一年卒聞者哀之學使吳保泰表其塚

王氏抱元都杜維昌妻年二十四寡事姑盡孝撫姪爲兒壽六十二吳學院賜匾表之

曾氏東洋員山村儒童周誓妻年二十七夫故氏

矢志不渝撫孤兒慶榮成立娶媳王氏年二十
六榮故王執大義勤紡績以事孀姑曾現年七
十餘王現年五十餘督學吳保泰賜匾表之

范氏蘇尊二圖馮凌雲妻副貢份媳年二十七夫
故襄殮不給氏無怨懟聲壽六十四學使吳保
泰賜匾獎之

王氏吳琳妻年二十五寡堅貞自守撫姪揚溢爲
嗣備嘗甘苦四十餘載如一日學使吳保泰表
之

陳氏頓林馮村馮先誠妻年二十一寡無嗣甘守

冰霜事繼姑則柔聲怡色姑爲之動容壽七十

王氏傑興都符寶所妻年二十一夫亡撫育二子
方授室而二子旋亡乃撥宅為祖祠置產為學
田更撫兄子為嗣壽九十二族人至今頌之不
衰

許氏林毓莪妻年二十二夫故無子翁憐之將娛
老田與氏度活翁歿氏將田為諸子姪筆墨之
資壽八十三

蕭氏桂林圖監生林開雯妾年十九雯物故乏嗣
氏生母屢迫他適不從自甘淡薄留餘以養生
母里閭賢之

周氏許字于上那邕永竅村梁巨川爲妻川年十七而腳跛兩父母與川俱願使之他適酌之氏不答乃登門事川請醫調治二年川卒氏矢志無他謹守閨範年六十七卒

王氏烈樓邑庠杜延清妻年二十四夫故矢志靡他孝事翁與續母無違德孀居二十餘年貞潔無玷

吳氏烈樓王定程妻年二十四夫亡甘貧守寡撫孤成立年七十四卒

麥氏興政吳南元妻年二十七元故孀居撫孤勤儉溫惠里黨稱賢壽七十六

陳氏烈樓吳孟達妻年二十九寡靡他矢志以姪
延嗣撫如親生年五十三卒

鄺氏烈樓監生吳中英妻年二十六寡孀居靡他
撫猶子如已出年五十二卒

許氏烈樓吳紹統妻年二十八夫故安貧守節事
翁姑無違養孤子有道年五十餘卒

吳氏鳳樓陳昌虞妻庠生南紹女年二十四夫故
誓不再醮撫孤孤亡以姪孫爲嗣捐助祖祠常
住壽八十六

葛氏五原張銓繼室年二十六夫故冰霜矢志事
翁姑得其歡心撫姪以延嗣壽七十四

馮氏蒼興一林天佑妻年十九夫故氏養姪爲子
教訓有方白首無玷壽九十

林氏萬都二周克忠妻年二十二忠故貧無立錐
氏堅志孀守物不妄取殮不苟受鄰里欽之壽
七十餘

蔡氏文興丁映派妻年二十七夫故家無儋石勤
紡織以撫孤壽七十三

吳氏大攝一邑庠李輝女舉人金之妹年十七配
邑庠林國揚之男某爲妻年二十寡鄰里咸欽
孝義贈以詩存家乘

吳氏正德基妻增生以謙女年十九夫故誓不再

醮事耄翁與續母必誠必敬撫養幼弟不啻已
生遠邇咸欽其志節

王氏李永泰妻年二十四夫亡誓不他適捐已田
以爲本村納糧脚費壽六十二

龐氏吳錦章妻年二十四夫亡柏舟自矢撫孤子
南崧成立守貞四十餘年清操不改

陳氏王妻二十五歲夫故矢志靡他撫孤子
世英成立始終不渝其志縣主給匾表之

黃氏王肇組妻二十八歲夫故矢志不渝撫姪爲
嗣孀居四十餘年白璧無玷

周氏林鴻揚妻年二十七寡孀居二十餘年鄉黨

欽其貞操

袁氏吳邦泰妻年二十一夫亡矢志不移撫七月
孤兒成立苦節三十餘年

蕭氏王恆定妻二十五歲寡守節不二撫遺腹子
成立鄰里稱其志節

王氏劍貢黃雲步妻年二十八夫亡孀居無子謹
事翁姑苦節三十餘載全節無虧

黃氏王以瑤妻年二十六寡勤修婦道苦節三十
餘年始終不渝其節

溫氏庠生張秉鈞妻年二十六寡矢志冰霜年五
十六卒

王氏張鍾桂妻年二十四寡矢志養姑育男一生
辛苦年六十卒

黎氏鄭楷妻郡城人年二十九寡無子冰霜矢志
苦節二十餘年里人重之

楊氏曾應福妻年二十六寡矢志靡他翁姑卒哀
毀盡禮食素茹苦以終其身

粘氏庠生溫有交妻年二十四寡事姑無虧撫子
成立貞守不妄出門年四十五終

林氏王欽琮妻雙龍巷人年二十九寡撫孤以延
夫嗣治家刻苦晚節彌堅壽六十九

周氏洪勝典妻二十八歲寡冰霜矢志訓男成立

次子雲章以千總誥封壽八十六

陳氏北門街馮毓麟妻武生英才祖母年二十五
寡守義撫孤卒年四十七苦節二十三年

馮氏東門內張宗德妻生員希江嗣母年二十七
寡無子撫姪爲嗣苦節清操里黨欽之卒年五
十五

蔡氏調塘二圖唐夢達妻年二十六夫故遺腹生
一男撫養成立孀守五十餘年壽七十餘

陳氏東岸圖梁炳字妻二十二歲字亡遺腹男六
月氏苦節靜守壽八十六

林氏大林一圖儒士李鍾巖妻拔類季子婦歲貢

副元元伯姪媳年二十寡家貧無子事親以孝
苦節孀守歷年七旬有餘

陳氏張吳西圖庠生李高發妻年二十發亡遺腹
男七月越三月方生氏孀居無失德其男華進
邑庠壽八十四

周氏東岸圖林朝冕妻年十七孀守撫男成立壽
七十八

王氏博茂圖林廷望妻年二十六孀守志如介石
壽七十二

林氏張吳圖吳璧妻年二十一壁亡孀居養姪爲
子壽六十五

陳氏博茂圖吳大仁妻年二十二寡冰雪明心始
終無間歷年五十四

鄭氏博茂圖陳嗣賢妻年二十四賢亡矢志靡他
壽八十九

林氏張吳圖顏洪映妻年二十二寡安貧守節壽
七十四

吳氏邕陽用卽村王純信妻監生建子母年二十
九夫亡明大義以延生守孀居而泣節至老猶
嚴壺範年六十卒

楊氏邕陽普堤村吳道南妻庠生濠母年二十一
夫亡冰清矢志白璧無瑕

馮氏監生周執簡妻年二十七寡遺子養成娶陳
媳子又死馮與陳相依孀居月白風清撫孫成
人壽七十

潘氏大那邕梁大拱妻年二十三寡無嗣矢志不
再適勤紡績以自供鄉人有憐其貧而分以食
者不受

吳氏邕陽邁元村王師訓妻年二十一夫亡勵節
松筠事姑甘旨無缺年六十卒

王氏邕陽王張村張九成妻年二十三夫卒誓不
他適孀居三十餘年內外俱無間言

詹氏龍塘圖王一寧妻年二十五寡敬事老翁嚴

督孤兒苦節至老不渝壽六十三

程氏涇州匡三昌之妻年二十六寡家資淡薄事親撫孤卒無遺憾年五十三終

陸氏涇州圖陳宏謀妻年二十四寡冰霜自矢人無間言

丁氏涇州圖陳繼媯妻年三十寡矢志撫孤克盡婦道

吳氏暫都李毓成妻年二十六寡子二矢志冰清事姑撫孤毫無失德孫起雲世庠壽九十

韋氏亨裕都吳南輝妻庠士寬女年二十五

姑孝順撫遺腹子成人壽七十五

韋氏業儒陳治耀側室年二十六夫歿矢志靡他
孝以事親義以教子數十年人無間言

吳氏亨裕都王曰俊妻年二十六夫偶孝順事姑
義方教子壽八十

吳氏龍塘都王才善妻庠士玳之女年二十一夫
故孀居守節孝姑教子兩無所憾

王氏暫都李恆輝妻庠生王鵬程女年二十六寡
矢志靡他事姑撫孤孝養備至三十餘年清操
不改

吳氏鄭都杜元翰妻年二十八寡甘心守節壽六
十五

鄧氏永豐都吳開元妻年二十二夫故事姑盡禮

撫孤成立壽八十五

謝氏傑興都符良瑤妻年十九寡以弟子爲嗣事
寡祖母王氏孝敬惟謹矢死靡他壽七十四

杜氏傑興都符良瑗妻年二十一喪偶事姑撫孤
孝慈備至壽八十二男時中娶媳周氏年十六
于歸十九夫故男猶在抱與姑孀居相依爲命
現年六十四

沈氏文煥都陳萬錦妻年二十四夫故事舅姑能
孝敬教孤子以義方貞節自守壽七十一

符氏王元棟妻年二十二夫故誓志孀守家貧勤

苦度日壽八十九

符氏庠生郭康衢妻年十七于歸甫半月夫卒哀毀骨立觀者動容平生少笑語與人接談及夫名未嘗不流淚卒年四十三

饒氏王元祿妻年二十四寡清潔自矢閨門肅靜壽八十六

郭氏吳文漣妻十九歲夫卒生一男紳耆請當道旌之

吳氏黃妻年二十五夫偶守節明心子紹翰武生

吳氏蒼原二王朝銘妻年二十八夫故矢志不二

撫孤子秉元策名成均孀居五十餘年

黃氏美里崑貢天授孫女配監生周廷梁男烜爲
妻年二十八烜故事姑以孝撫孤以慈壽七十

七

李氏東洋員山村周岱妻年二十六夫故堅志守
節甘淡薄勤女紅六十餘年白壁無玷

高氏東洋博通村周鎮妻年二十四夫故志堅金
石勤儉持家撫遺腹孤開泐策名成均歷六十
年如一日云

陳氏梁陳一梁大明妻年二十四夫故茹荼飲藥

孀居五十餘年清節無玷

楊氏蒼原二陳開壁妻年二十二壁故矢志不嫁
養親撫子克盡婦道壽七十三

鄭氏黃玉相妻年二十八夫故氏清白自守壽七

十

邱氏周纘岐妻年二十一夫故死矢靡他苦節三
十餘年人無間言

王氏鄭珙妻年二十七寡刻苦守節孀居三十餘
年鄉里重之

魏氏蘇尋三圖吳泮妻年二十八寡事翁姑喪葬
盡禮現年七十五咸全學使獎之

勞氏陳文儲妻年二十八夫故守寡三十餘年冰

瑯山府志 卷二十三
霜矢志壽六十六邑宰表以節義揚芳

陳氏桂林都吳國樅妻年二十一寡外氏或諷之
嫁陳勵志彌堅克完貞節

陳氏調塘二張德慧妻年二十三夫故孀守撫孤
白首無玷壽七十七

陳氏程課妻廩生起鵬媳年二十五寡矢志守節
備嘗辛苦壽六十一

雲氏潘連侯妻年二十二寡矢志堅貞紡績度活
壽六十六

王氏草芽巷吳以朱妻年二十四寡敬執婦道立
侄爲嗣壽六十

董氏梁陳二蔡宜松妻年二十三夫故矢志死靡他
苦節四十餘年人無間言

周氏坡口屯楊維禮妻年二十五夫亡甘貧撫孤
壽七十五

洪氏聖鹿圖龍茂灝妻年二十四夫歿守志撫孤
始終無玷壽九十三

張氏博盛一圖杜宏謨妻舉人應清媳年二十一
夫故矢志完貞現年六十一

林氏張吳東陳聖集妻年二十九集亡遺腹男六
月孀居撫之成立壽六十八

吳氏張吳都陳遇達妻年二十九達亡孀居事舅

姑終葬以禮壽七十三

劉氏吳語銓妻桂林二人年二十九夫亡無子矢

志柏舟養侄爲子歷年五十餘

辜氏陳仲顯妻年二十三寡矢志孀居甘貧守節

壽七十三

張氏周玉華妻年二十四寡貞守不二壽七十八

李氏周纘文妻年二十八寡孀守無他

張氏興仁圖陳常保妻年三十寡孀居無他

杜氏宅念都陳丕謨妻年十八夫故堅志守節撫

姪爲子壽八十三

鄭氏梁陳一梁士魁妻年二十二寡孀居守節壽

七十

朱氏龍塘都周卷之妻歲貢元表季女年二十一
寡養親撫姪始終如一壽九十八

宋氏亨裕都王宏澤妻年十八夫故甘心守寡壽
八十四

李氏亨裕都王宏道妻年二十二夫故撫子壯成
立娶媳章氏二十七歲壯亦故撫數月祇與姑
堅守李壽八十一章壽八十七

王氏遵都吳德崧妻年二十一夫故堅貞自守壽
七十一

陳氏東洋二武庠鄭魁翰妻年二十四夫故矢志

瑛山縣志卷之三十三
孀居撫姪國璋爲嗣貢名成均苦節五十餘年

邱氏官隆一王定一妻年二十夫故介石自貞人

無間言

李氏官隆一周有勲妻年二十一孀居事親養子

克盡婦道

林氏梁材之妻上游圖人年二十二材故矢志不

渝撫孤養兼以教壽六十九

賴氏梁老都吳國安妻年十九安故守節孀居撫

姪爲嗣鄉里欽其節義壽六十歲

陳氏子城內鄭之沈妻孝友存禮孫媳年二十三

寡男必樹娶吳氏亦年三十夫偶孫以瑛娶孀

氏亦年二十八孀居俱辛苦撫孤松筠矢志世
稱一門三節

舒氏東門內李捷貴妻守備茂階母年二十二寡
冰雪勵節辛苦備嘗

黃氏監生符爵妻東廂一攀丹人年二十六寡勤
儉持家口無怨言壽八十二

馮氏下田陳國泰妻年二十六寡誓不再醮從一
以終卒年四十二

李氏下田吳安姬妻年二十五寡矢志守節撫孤
壽七十八

林氏坡口屯周純仁妻年二十六夫故矢志堅貞

孀居五十餘年族黨稱爲苦節壽八十

陳氏坡口屯周振貴妻年十九夫故守節六十八年壽八十六

伍氏西廂人金花村邑庠邱運魁妻年二十九夫歿守志撫孤兒廷燦備嘗辛苦現年五十

邢氏調塘乙圖儒士陳執芳妻年二十于歸生一子二十五歲夫亡堅貞自矢壽八十四終

卞氏蘇尋三圖東田村陳文達妻年二十六矢志堅守勤儉持家爲人仁慈生二男長寶積監生

現年五十九

韓氏國學生陳毓瓚媳儒士執第妻巡政廳芬芳

嫂年二十五寡柏舟自矢與孀王氏孝養舅姑
姑歿娶續母與舅舅年六十餘始產弟二人未
幾舅卒因與王氏撫養二弟成立年五十八卒
士氏國學生陳毓瓚次媳儒士執茂妻年二十二
夫歿氏與嫂韓氏勵志完貞梓里稱爲一門雙
節壽六十三

吳氏貢生陳毓琳媳儒士執篤妻年二十三篤死
含冰飲雪節操彌堅雖屢空弗顧也壽七十四
吳氏桂林圖高天位妻年二十四寡紳耆贈以抱
節冰清匾壽六十九

吳氏桂林圖高之秀妻年二十三夫故矢志玉潔

敬事寡母壽七十二

陳氏蘇等一都馮懷倬妻年二十一夫故乏嗣節義自持克完婦道壽七十二

沈氏南門外張粹球妻年二十二失偶貞靜和淑織紉度活順事耄姑壽七十

洪氏南門外張粹瑾妻年十六于歸半期夫亡端莊嚴肅敬事公姑壽八十八

吳氏歲貢生卓士女與義圖邑庠何其賢妻年二十七賢故矢志介石事姑育子壽六十六

陳氏優貢生韶中女東門內庠生馮煥采妻年二十承故誓與同穴痛哭至旬日而亡人咸哀之

林氏西門街陳仕偉妻年二十寡矢志堅貞不出
壺闕年居五旬而卒

梁氏鄺倫坊妻欽州學正毓秀妹年二十六寡飲
荼茹雪年五十八卒

林氏吳元貴妻年二十八寡泣血孀守長子開朝
干總三男開清外委玉壺冰清人無間言現年
九十

吳氏附生蔡錦妻例貢生嘉賓媳年二十一夫亡
椎心泣血有勸改適者答曰夫不幸已負父母
恩若更去而他適於心何忍現年八十二

李氏射欽一林世照妻年十九照卒遺腹子一勤

現山縣志卷三十三
女紅以橋養現年八十三

王氏暫都吳光宇妻年二十八守節孝慈兼盡現年八十四

吳氏李公琨妻年二十三夫歿矢志孀居順事翁姑撫孤成立現年七十餘

張氏梁邦選妻雙龍巷人年二十四寡心如介石清苦撫孤現年七十四

張氏庠生王麟書妻年二十五寡矢志松筠治家勤儉學憲戴熙賜匾獎之現年七十九

吳氏北門街馮纘謨妻武生英才母年二十四寡守節不二茹荼撫孤內外無間言現年七十四

蒙氏涇州圖卒發清妻年二十八寡無子誓不再
醮現年七十七

陳氏涇州圖鄭開基妻年二十八失偶敬事翁姑
撫孤成立現年七十三

杜氏亨裕都王天性妻年二十三夫亡柏舟自矢
現年七十八

吳氏演順二陳儲玠妻十九歲適玠二十一歲寡
家無立錐茹荼飲藥撫弟如子現年七十三

李氏安仁都王元澤妻年二十一夫故誓死靡他
撫姪志德名列膠庠現年七十八鄉黨欽之

張氏龍與坊陳炳達妻年二十四夫故孀居守節

現年七十四

吳氏聖鹿圖龍家球妻年二十八夫故矢志孀居
克盡婦道現年七十一

吳氏暫都符家玉妻年二十四夫故孀居自守現
年七十四

陳氏涇洲圖瞿必和妻年二十八寡家貧如洗冰
霜勵節現年七十

馮氏下田邱友邦妻年二十五寡矢志冰霜現年
八十二

陳氏張吳圖王必祿妻年二十八祿亡貧無以爲
生姊妹以微言諷之不答飲冰自矢和淑寡言

里黨欽之現年六十四

吳氏庠生周錦妻年二十二夫亡飲泣欲死者數
親故以舅老無嗣慰之乃止後勸舅再娶庶母
得延宗祀現年六十七

王氏武生伍元和妻年二十三寡事翁姑如夫存
時分產業不與弟較勤於績事終身不修容現
年六十三

蘇氏下路街黃廷佩妻年二十五失偶矢志撫孤
現年六十七

陳氏福地後街唐紹位妻都司太陞嫂年十九于
歸越數月寡男女無出冰厚自持現年六十六

王氏邕陽北點村例於修職即梁必治長男欽妻
年十六夫亡堅守不二之操現年六十內外俱

無間言

周氏美愛村符振泰妻年二十四夫故勵志守節
與孀姑相依為命撫孤龍章名列邑庠督學全
慶旌之現年六十八

周氏涪州圖甘開邦妻年二十一寡矢志孀居事
姑喪葬盡禮現年六十二

李氏吳會和妻年二十七夫故孀居四十年邑宰
表以貞節男有位監生早天媳王氏增生毓麟
女年二十八亦寡無子靡他矢志現年六十

李氏人和坊張積功妻監生必秀次女年二十三
夫故孀居守節四十四年現年六十六

李氏涇洲都甸天性妻監生必秀三女年二十寡
敬奉翁姑無忤色現年六十二

游氏德興高錫爵妻年二十七夫故家清如洗食
苦而甘現年六十餘

蔡氏東洋水口人周樹業妻年二十八夫故柏舟
矢志撫姪如子現年六十

陳氏真武樓庠生鄭龍光妻年二十八寡養老姑
撫穉子勤儉持家閨中少出現年六十五

梁氏金鞍街王寬妻儒學毓秀姪女年二十七寡

家徒四壁晚節彌堅現年六十四

唐氏下田柯大榮妻增生灼妹年二十六寡性溫
和食貧守節現年六十二

溫氏大井巷候按照符顯鐸妻職理問明新女年
三十寡柔順寡言善事姑嫜撫二姪女如已出
現年六十三

陳氏坡口屯周大觀妻年二十六寡堅守苦節備
歷艱辛有勸以他適氏嚴拒之現年六十七

吳氏鍾秀圖符雲衢妻年二十四夫亡乏嗣矢志
孀居始終不渝現年六十二

王氏射斂一例貢林後士續妻年二十五夫故截

髮日矢孝慈備至現年六十五

曾氏射釵一林世烈妻年二十五寡茹苦食蓼足
不越閭現年六十五

王氏暫都吳國祥妻年二十四寡現年六十一

杜氏傑興都蔣挺慧妻年二十三夫故孀居自守

現年六十六

吳氏蒼原一都蔡恆綱妻年二十五夫故冰霜自

勵勤紡績以持家現年六十

陳氏射釵二都林如黃妻年二十五黃故矢不他

適自甘茶蓼現年六十四

謝氏婁南街吳相欽妻年二十四寡守節撫孤拮

魏度日現年六十二

譚氏西廂一唐纘緒妻年二十二寡勤機杼以養親教子現年六十二

趙氏東昌圖吳開颺妻年十七于歸越一歲寡苦織爲生言動不苟現年六十四

王氏頓林圖馮先試妻年二十寡家無斗升織蒲度日現年六十一

張氏博盛一圖杜宏紹妻年二十一寡矢志不二撫孤成立現年六十二

曾氏海口文成章妻照磨日藻長女年二十七夫故冰霜日守善於理家現年六十九

陳氏附生陳執瑞女王心定妻年二十五寡堅貞
自守勤儉持家撫孤兒之傳名列成均現年六
十

蔡氏王之聰妻年十八寡無嗣慈愛爲念貞守靡
他撫姪定鼎定中猶已子後俱列膠庠現年六
十三

陳氏張吳西黃道章妻年二十九寡無子安貧守
分現年六十

李氏英岳圖陳毓璉妻年二十七夫故貞靜自守
撫男成立現年六十六

吳氏傑與都周朝宗妻二十一歲夫亡事姑朝夕

惟謹撫遺孤成人孀居無玷現年六十九

何氏東門內馮慶齡妻年三十失偶子穉家徒壁
立備歷艱辛事翁甘旨無缺病則親侍湯藥葬
終大事皆一身持之卒年五十五子玉昭郡庠
生

杜氏吳以誼妻武舉向峯女年二十四寡矢志不
二族黨咸欽壺範現年五十餘

鄭氏增生陳元璧妾貢生采淵媳貢生士雄女年
二十三寡生一女勤女紅以自給親戚雖有喜
慶事未嘗一到現年五十七

張氏符德昭妻生員佩訓媳生員希宋妹年二十

三矢偶男女無出矢志靡他現年五十六

周氏吳金書妻廩生天衢女年二十三寡柏舟矢

志壺範無愆現年五十五

邱氏靖南街曾昭基妻年二十六寡柏舟勵節養

繼男成人現年五十六

吳氏大井巷符世治妻詹事府主簿以松女年二

十九寡性幽靜閨門勉出凡事不敢專成現年

五十五

王氏東洋一儒童周有烈妻武舉王元燕孫女年

二十五烈故矢志不渝撫子天基成立補邑庠

現年五十

王氏東洋一周有麟妻年二十四麟故柏舟矢志

閻範無愆現年五十餘

吳氏秀瓊都武生朝之女適職員陳周顯長男成

材為妻年二十九材故氏孀居守節撫孤成立

現年五十一

溫氏海口西門內監生王景星妻庠生有政女年

二十四寡現年五十六吳學政表之子安基武

庠

吳氏東門內馮茂齡妻澧州州判儻姑年二十九

寡冰霜自矢內外無間言現年五十一

邱氏東門內吳紹文妻邑庠鵬翼母年二十九寡

現年五十

陳氏顏之定妻生員顏之愉之兄嫂定亡時氏年二十七歲服事家姑吳氏二十餘年毫無懈容無姪爲男侍家勤儉有法里人共欽其壺範殷學院賜匾額以榮之現年六十歲

邢氏坡日屯周振瑛妻年二十七夫故守節三十一年卒年五十七

杜氏文林圖八年十八歸梁式潤爲妻十九歲寡家無儋石自食其力冰清玉潔始終無間壽七十四

吳氏張吳東圖生員高拔儒妻年二十五寡冰霜

自矢壽六十七

周氏官隆圖武生王朝宗妻年二十八夫故獨守

寒門撫子成立現年五十一

吳氏博茂園林魁芳妻二十二歲芳亡家無寸產

茹苦含辛怨之不出現年五十七

黃氏西廂一蘇秉章妻年二十四寡男甫歲女遺

復家徒四壁苦節二十六年現年四十九

王氏永興圖葦光斗妻年十七于歸二十四歲夫

亡孀居訓子許學院賜匾獎之現年六十八